

სადოქტორო პროგრამა პოლიტიკურ მეცნიერებაში PhD Program in Political Science

2. მისანიჭებელი ხარისხი:

პოლიტიკის მეცნიერებათა დოქტორი.
PhD in Political Science.

3. სადოქტორო პროგრამის ხელმძღვანელი:

პოლიტიკის მეცნიერების დოქტორი, თბილისის სახელმწიფო უნივერსიტეტის სოციალურ და პოლიტიკურ მეცნიერებათა სრული პროფესორი, მალხაზ მაცაბერიძე

4. სადოქტორო პროგრამის საკვალიფიკაციო დახასიათება:

პროგრამის მიზანი: პოლიტიკური მეცნიერების სადოქტორო პროგრამა მომზადებულია უცხოელ ექსპერტებთან აქტიური კონსულტაციების საფუძველზე. აღნიშნული პროგრამის შემუშავებაში ჩართული იყვნენ ღია საზოგადოების ინსტიტუტის (OSI) უმაღლესი განათლების მხარდაჭერის პროგრამის (HESP) აკადემიური სტიპენდიების პროგრამის (AFP) საერთაშორისო კონსულტანტები: სტივენ ინგლი (სტირლინგის უნივერსიტეტის პოლიტიკის დეპარტამენტის ხელმძღვანელი) და პიტერ ვან ჰიუტენი (კემბრიჯის უნივერსიტეტი, პოლიტიკური მეცნიერების დოქტორი).¹

წარმოდგენილი სადოქტორო პროგრამა მიზნად ისახავს პოლიტიკის და პოლიტიკური სფეროს საკვანძო მომენტების გამოკვეთას და სპეციალისტების მომზადებას ჩვენი ქვეყნისა და რეგიონისათვის განსაკუთრებით აქტუალური საკითხების მეცნიერული კვლევისათვის; დარგში მიღებული ცოდნის გაღრმავებას; ძირითადი მეცნიერული უნარების განვითარებას; კვლევისა და სწავლების თანამედროვე მეთოდების შესწავლის საფუძველზე ახალი ცოდნის და ინფორმაციის შექმნასა და გენერირებას.

პოლიტიკურ მეცნიერებაში სადოქტორო პროგრამა ეფუძნება მოდულარულ სისტემას და მიზნად ისახავს დისციპლინის ცალკეული პრობლემური სფეროების გამოკვლევას.

სადოქტორო პროგრამა პოლიტიკურ მეცნიერებაში ემსახურება ამ დარგში მკვლევარისა და აკადემიური სფეროს მომავალი სპეციალისტის მომზადებას, რომელსაც შესწევს ახალი ცოდნის გენერირება და თავისი სადოქტორო დისერტაციით ემსახურება ახალი ცოდნის შექმნას პოლიტიკურ მეცნიერებაში.

პროგრამის შედეგი: შესაბამისად, დოქტორანტურის სწავლის შედეგი და კომპეტენცია მოკლედ შემდეგნაირად შეიძლება განისაზღვროს:

- ცოდნისა და უნარ-ჩვევების გენერაცია;
- ცოდნისა და უნარ-ჩვევების კონსერვაცია;

¹ სადოქტორო პროგრამის შემუშავებისას გათვალისწინებული იქნა მათი გამოცდილება და დაისახა შემდგომი თანამშრომლობის პერსპექტივებიც კერძოდ, საერთაშორისო კონსულტანტები ჩართული იქნებიან სადოქტორო პროგრამაში როგორც გარე კონსულტანტები, ხოლო საკვლევი პრობლემების ნაკლებად ეკავტურობის პირობებში დახმარებიან პროგრამის ხელმძღვანელობას შესაბამისი გარე შემფასებლების მოძიებაში.

- ცოდნისა და უნარ-ჩვევების ტრანსფორმაცია;
- ლიდერობა;
- ავტონომია.

პოლიტიკური მეცნიერების სადოქტორო პროგრამის მთავარი მიზანია ისეთი სპეციალისტების მომზადება, რომლებიც პროფესიული მოღვაწეობის შესაბამისი სფეროების ლიდერები იქნებიან. სადოქტორო პროგრამის კურსდამთავრებულს უნდა შესწევდეს უნარი, კრიტიკულად გააანალიზოს დაგროვილი ცოდნა, შემოქმედებითად განავითაროს იგი და პასუხისმგებლობით მოეკიდოს სამეცნიერო ინფორმაციის ტრანსფორმაციასა და გავრცელებას პუბლიკაციების, სწავლებისა და პრაქტიკაში დანერგვის გზით.

დოქტორანტურის სწავლის შედეგი და კომპეტენცია მოკლედ შემდეგნაირად შეიძლება განისაზღვროს: დოქტორს პოლიტიკურ მეცნიერებებში უნდა შეეძლოს:

- კვლევის შედეგად ახალი ცოდნისა და უნარ-ჩვევების შექმნა; ახალი და კომპლექსური იდეების გაშუქება და სინთეზირება;
- თავისი წვლილის შეტანა პოლიტიკურ მეცნიერებაში ორიგინალური კვლევებით, რომელიც იმსახურებს ეროვნულ, ისე საერთაშორისო დონეზე გამოქვეყნებას;
- პოლიტიკური მეცნიერების ისტორიისა და ძირითადი იდეების გაგება; დაგროვილი ცოდნის შემოქმედებითი განვითარება;
- პოლიტიკური მეცნიერებების ადგილი საერთო ინტელექტუალურ სივრცეში, ერკვეოდეს მონათესავე და სხვა სამეცნიერო სფეროების ძირითად საკითხებში;
- შეეძლოს ითანამშრომლოს სხვა დარგების წარმომადგენლებთან ინტერდისციპლინური კვლევის დროს;
- მოპოვებული ცოდნის ეფექტური და გასაგები ფორმით გადმოცემა;
- ესმოდეს მიღებული ცოდნის პრაქტიკული გამოყენების ასპექტები.
- სადოქტორო პროგრამით მომზადებულ სპეციალისტს უნდა შეეძლოს როგორც სასწავლო, ასევე კვლევითი პროცესის დაგეგმვა და განხორციელება.
- აკადემიურ და პროფესიონალურ კონტექსტში ტექნოლოგიური, სოციალური და კულტურული წინსვლისთვის ხელის შეწყობა.

კურსდამთავრებულთა დასაქმების სფეროები: პოლიტიკის მეცნიერებაში დოქტორის ხარისხის მქონეს შესაძლებლობა ექნება, იმუშაოს სასწავლო და კვლევით დაწესებულებებში სპეციალობის მიხედვით. როგორც ექსპერტი, იგი შეიძლება დასაქმდეს სახელმწიფო, არასამთავრობო და კერძო სტრუქტურებში.

5. სადოქტორო პროგრამაზე მიღების წინაპირობები.

პოლიტიკური მეცნიერების სადოქტორო პროგრამაზე სწავლების მსურველთ მოეთხოვებათ მაგისტრის ხარისხის ფლობა პოლიტიკურ ან სოციალურ მეცნიერებებში, ასევე ერთ-ერთი ევროპული ენის (ინგლისური, გერმანული, ფრანგული) კარგი ცოდნა მინიმუმ B2 დონეზე მაინც.